

S. Mariæ Majoris, & S. Stephani ac Laurentii extra muros in via Tibuli, & his verbis exprimuntur.

Paulus, Virgo, Petrus, Laurentius, atque Joannes.

Hi Patriarchatus nomen in Urbe tenent.

Quare ita Ecclesiæ istæ appellentur, plures rationes reddi solent, & inter cæteras illa est, quia hujusmodi Basilicæ destinatæ erant, ut cum quatuor Patriarchæ Romæ adventarent, quisque proprium haberet palatium: & quemadmodum Pontifex in habitat Basilicam S. Joannis Lateranensis, ita Patriarcha Constantinopolitanus S. Petri Alexandrinus S. Pauli, Antiochenus S. Mariæ, Hierosolymitanus S. Stephani, & Laurentii palatium sibi haberent. Theat. vitæ hum. lit. E. fol. 143. Illescas *Histor. Pontific. lib. 4. cap. 37.*

Ibi: *Illud tamen mirum videri poterit.*

- 180 Sed non mirabitur aliquis perpendens quæ tradidimus supra, num. 176. cum seqq. nam Gelasii temporibus dubium erat jus prælationis Ecclesiæ Constantinopolitanæ, ideoque Pontifex Alexandrinam Sedem illi præposuit, prout & alii Summi Pontifices post canones Concilii Constantinopolitani I. & Chalcedonensis præposuerunt, quos recenset Glossa Gregoriana in cap. Constantinopolitane, 21. dist. Imò & recens scribentes dum se ad ea tempora referunt, eundem ordinem servant. Vide Illescas ubi sup. lib. 2. cap. 1. Sed Justiniani ætate absque contractione Antistes Constantinopolitanus reliquis præcellerat, Bellarm. lib. de Roman. Pontific. cap. 24. Theat. vitæ human. lit. P. fol. 100. & hoc in causa fuit, ut Justinianus Constantinopolitanum Patriarcham, quem honore afficere sibi cordi erat, Alexandrino, & aliis anteponeret. Vidd infra, cap. proximo, n. 32.

Ibi: *Apud quem præter alia multa.*

- 181 Post Gregorianam emendationem Decreti in cap. Renovantes, 22. distinct. ubi antea inferior Roma legebatur, nunc legitur superior: & ibi glossa Gregoriana animadvertit, Græcè legi antiquior, seu senior, sicut in capite proximo sequenti dicitur; nam Constantinopolis nova Roma nuncupata est, & urbs in qua Sedes Apostolica residebat, vetus, antiquior, vel senior Roma vocabatur, l. Omni innovatione 6. C. de Sacrosanct. Eccles. cap. Constantinopolitane, 22. dist. l. unic. C. de privileg. urb. Constantinopolit. lib. 11. authent. Ut Ecclesia Romana, in princip. collat. 2. & ibi Glossa verb. Anterior, authent. de Ecclesiast. titul. collat. 9. & hoc passim Scribentes, quos pronuper dedimus, observarunt.

- 182 De Scriptoribus Ecclesiasticis, qui commentaria super novum & vetus Testamentum ediderunt, aut aliquid circa illa elaborarunt, plenissimum indicem reperies apud Senens. in Bibliobec. Sancta, lib. 4. ubi quid unusquisque prodiderit in lucem exactè demonstrat, apud Bellarm. de Scriptorib. Ecclesiastic. Trithem. in Catalog. Cornel. à Lapide in præm. ad singulos libros, & B. Hieronymum de Script. Ecclesiast.

SUMMARIUM.

- 1 De quatuor primis generalibus Conciliis.
- 2 Conciliorum divisio.
- 3 Quæ Concilia sint nationalia.
- 4 Discrimen inter generalia, & localia Concilia.
- 5 Conciliorum origo.
- 6 De Concilio generali Nicæno, cum numer. seqq.
- 12 De Constantino Magno traduntur aliqua.
- 13 De Olympiadum initio, remissivè.
- 14 De indictionibus, remissivè.
- 15 De vicennialibus, quæ Constantinus celebravit.
- 16 De quinquennialibus & decennialibus ab eo celebratis.
- 17 Quinquennialia & decennialia unde originem contraxerint.
- 18 De decennialibus Augusti.
- 19 De vicennialibus.
- 20 Iterum de Nicæno Concilio, cum numer. seqq.
- 22 De Arrii vita & interitu, & numer. seqq.
- 24 Evangelia super thronum constituta sunt in loco ubi Patres Concilii conveniebant.
- 25 Quot canones editi sunt in Nicæno Concilio.
- 26 De Synodo generali Constantinopolitana I. cum numer. seqq.
- 34 De Synodo Ephesine generali, cum numer. seqq.
- 41 De Concilio Chalcedonensi generali, cum numer. seqq.
- 51 De laudibus & auctoritate horum quatuor Conciliorum.
- 52 Ante Gelasium I. Pontificem nullum est habitum generale Concilium, præter quatuor præcipua.
- 53 De Conciliis omnibus hucusque initis, remissivè.
- 54 Concilia etiam generalia non obligant ubi non sunt recepta. Sed Limitatur quoad fidei dogmata.
- 55 Qualiter peccent, qui Concilia generalia non recipiunt, aut successores eorum.

De quatuor primis generalibus Conciliis.

CAPUT XV.

PROsequitur D. Covar. quæ capite proximo ex Gelasio referre coepit, quorum series, ut ibi, num. 2. præmissimus, habetur tom. 3. Concilior.

Verba ista, quibus caput nostrum exorditur, desumpta sunt ex D. Paulo 1. ad Corinth. cap. 3. de quorum interpretatione consule Lorin. in Epist. 1. Beat. Pet. cap. 2. vers. 5. verb. Lapidem vrum Cornel. à Lapide. in Epist. D. Paul. sup. d. cap. 3. & nos aliqua prænotavimus supra, cap. proximo. n. 13. 140. & 158. cum seqq.

Hæc quatuor generalia Concilia memorat Justinianus jubens ab omnibus observari, & qui contra definitiones eorum quicquam tenuerit, ut hæreticum coercendum decernit, l. Nemo 4. l. Nos reddentes 6. §. Suscipimus, l. fin. §. ult. C. de

de Summa Trinitate, l. Quicumque 6. C. de hæretic. authentic. de Ecclesiast. titul. in princip. collat. 9. Et licet sub tempora Justiniani Constantinopoli quinta generalis Synodus haberetur, ejus in prædictis Constitutionibus non meminit: tum quia Concilium illis posterius fuit: tum etiam quoniam quatuor prima universalis Concilia adinstar Evangeliorum habebantur, & quasi Paradisi flumina, quapropter cæteris etiam universalibus & auctoritate, & doctrina censentur potiora, cap. 1. §. Inter cætera, 15. dist. ubi Barbofa num. 25. in collectan. Unde fortassis Imperator his recensitis quintum prætermisit.

Ad Num. 1.

- 2 Diffident inter se scribentes, dum Conciliorum species discernunt, ut videre est apud Barbofa ubi proximè, num. 1. cum seqq. Verum summa eorum divisio est, quod omnia Concilia aut generalia, seu universalis sunt; aut localia. Rursus localia subdividuntur in nationalia, provincialia, & Episcopalia. Universalis sunt quæ Sedis Apostolicæ auctoritate, Prælati ex toto terrarum orbe accersitis pro negotiis totius Ecclesiæ tractandis congregantur: his Summi Pontifices per se, aut per suos Legatos interfunt, quæ œcumenica, & plenaria etiam nuncupantur. Poterit quodammodo universale Concilium appellari; cum Pontifex convocatis Episcopis Italiæ, vel alterius provinciæ, Synodum instituit ad definitionem alicujus negotii statuendam, quæ apud omnes Christiani Principatus Antistes ut dogma universale recipiatur. Sed hoc minus propriè dicitur universale, ratione scilicet universalis auctoritatis, quam ab ipso Christi Vicario consequitur; deficit enim universalis vocatio Prælatorum ex toto orbe Christiano, ut Concilium propriè generale censetur.

- 3 Nationalia Concilia appellantur, quæ convenientibus Episcopis non solum unius provinciæ sed totius nationis, vel Regni, pro expediendis negotiis ad illud spectantibus, Præsidente Primate, seu Patriarcha peraguntur, qualia plurima in Hispania, Gallia, & Italia congregata leguntur, & omnia in unum congerit Padilla in Chronographia Concilior. tit. quæ Concil. censentur fuisse nation. Provincialia dicuntur, quæ ex conventu Prælatorum unius provinciæ constant, Metropolitanò præsidente, in quibus de rebus quæ ad eam provinciam attinent, disferunt. De his agit Gratian. 18. dist. per tot. Episcopia (quæ secundum communem loquendi usum Synodi vulgò vocantur, ut observat Aug. Barbofa sup. n. 1.) sunt quæ Episcopi cum Clericis suarum Dioecesum habent, de quibus in cap. Quod super 9. de majorit. & obed. cap. 2. cap. Annis, 16. dist. 18. His adjiciunt aliqui Concilium Monachale, seu Conventuale: sed hoc Capitulum dicitur, Aug. Barbofa ubi proximè. De hac Conciliorum partitione consulere oportet caput 2. §. Porro, 3. dist. Gloss. verb. Universalis, in cap. Convenientibus, 1. q. 7. Card. Bellarm. tract. de Concil. lib. 1. c. 4. Card. Jacobat. eod. tract. lib. 1. art. 2. §. Quot autem, Can. de locis Theologic. lib. 5. c. 1. Didac. ab Alava tract. de Concil. Dionys. Paul. de vera quart. Patriarchal. Sedum erectione, cap. 12. Padill. sup. tit. de Concilior. partition. Aug. Barbofa sup. ex n. 1.

- 4 Inter generalia, & localia Concilia multum interest. Primò illa sola Sedes Apostolica potest D. de Faria Novæ Addit. ad Covar. Tom. II.

congregare, cap. Ideo, 2. quasi. 6. Cardin. Jacobat. sup. lib. 3. art. 1. num. 23. cum aliis Barbofa num. 6. Marta jurisdict. part. 2. c. 37. num. 20. Padilla tit. ad quem spect. congreg. Concil. Jul. 1. epist. ad Orient. Episcop. ubi: Ipsi verò, ait, prima Sedi Ecclesiæ convocandarum generalium Synodorum jura, & judicia Episcoporum singulari privilegio Evangelicis & Apostolicis, atque Canonicis concessa sunt instituta. Hæc, id est localia, inferioribus Prælati, ut Primatibus, Metropolitanis, ac Episcopis permittitur est convocare. Barbofa ubi proximè, Padilla, & Card. Jacobat. ubi proximè. Secundò decreta Concilii generalis ubique terrarum vim obligandi habent propter Summi Pontificis auctoritatem, quæ illis inest, & ad totum orbem extenditur. At nationalia, & cætera Concilia non excedunt fines regni, provinciæ, vel Episcopatus ubi celebrantur, unde localia nominantur. Alphons. à Castro advers. hæres. lib. 1. c. 8. Petr. Gregor. Synagmat. lib. 5. cap. 3. num. 6. Barbofa num. 7. Tertio ad generalia Concilia deferuntur graviora negotia, ut quæstiones Fidei causæ Episcoporum, morum universalis Ecclesiæ reformatio, & alia hujuscemodi, quæ in localibus Conciliis tractari non licet. Barbofa n. 8. cum. seqq. Quarto generale Concilium errare nequit circa articulos Fidei, aut mores definiens, modo Pontifex illi interfit per se, aut per suos Legatos cum speciali instructione. Barbofa ex pluribus n. 13. cum. seqq. aliqui errare Concilia in his rebus poterunt, quanquam præsideant Papæ Legati nisi confirmatione roborentur, ut late probat Padilla sup. de auctoritat. Concilior. Barbofa cum aliis in cap. Concilia, à princ. 17. dist. Particularia verò Concilia errorem circa definitiones Fidei & morum nisi à Summo Pontifice confirmantur, possunt incurrere, prout non semel evinisse constat, & ita hæc Concilia veritatem infallibilem non habere etiam quoad articulos Fidei, docent Card. Bellarm. de Concil. lib. 2. cap. 10. Can. d. lib. 5. cap. 4. concl. 4. Barbofa num. 11. Padilla ubi proximè, ac prænotavimus sup. hoc lib. cap. 13. numer. 21. & cap. 14. num. 28.

Conciliorum origo à tempore Apostolorum dimanavit, ut D. Covar. nos docet. quo quatuor celebrata fuere Concilia, quæ refert Padilla in Chronograph. Concilior. fol. 2. nullum tamen inter hæc generale censetur, ut inquit idem Padilla tit. de origin. Concilior. in princip. & tit. de partition. Concilior. vers. hujusmodi, ubi rationem reddit, quia scilicet ad ea non sunt accersiti Apostoli omnes, nec alii Prælati: possunt nihilominus impropriè generalia vocari tam ista, quam alia Summorum Pontificum auctoritate suffulta, in quibus definitiones ad universalem Ecclesiam spectantes sunt editæ, qua ratione universalis Concilia dici poterunt; sed cum deficiat convocatio generalis Prælatorum, qui ubique gentium resident, ideo universalis absolute non vocantur, qualia sunt ea, quæ & auctoritate universalis, & convocazione tale nomen sortiuntur. Vide Padill. d. tit. de Concilior. partition. vers. De Conciliis, Card. Jacobat. d. art. 2. §. Quot autem, Barbof. in col. lect. ad cap. 1. num. 3. 15. dist. Albert. Pighium de Ecclesiast. Hierarch. lib. 6. cap. 2. vers. Medii verò.

Ibi: *Universalis tamen Concilia.*

Primum Concilium generale auctoritate, ac convocazione, sub tempora magni Constantini